

ومتغرب في أي مكان
لأجل اللقمة أكون تعبان
في همومي أبات عرقان
وأوقات تانيه أكون فرحان
زي الطير وهات طيران
تاخذني الدنيا بالأحضان
وفي الآخر باكون إنسان
وباحلم إنى أعيش بأمان
ولو حتى مانيش شبعان
ويفضل لي الوطن عنوان

.....

أنا دكتور

ودا كاتب بيقول دكتور
زي كتير غيره ومبهور
فاكر نفسه الواد مشهور

وف أوهامه سنين وشهور
غرقان فيها لركبه بحور
أنا دكتور أنا دكتور
وعلى صحابه قايم بالدور
فرض وكله يقول دكتور
و كل عَلام اخونا الأمور
الإبتدائية وعلى كام دور
وناجح بالعافيه ومجبور
وف دبلومه كمان محشور
ومسائي لو كان فيه حضور
كله ياناس أصبح دكتور
لو سباك وف إيده شنيور
وبشهادات مضروبه وزور
روح على بيتكم فوق السور
واعمل يافطه كبيرة دكتور

وماتنساش فرعين من نور
وقزاز غالي من البنور
وكمان قوم هاتلك حنطور
وإف الكفر داير ما يدور
أنا دكتور أنا دكتور

محبّة الأوطان

الوطن عمره ماكان حِفنة تُراب
زى ماقالها ف يوم حنة غراب
كان ساعتها فكره رايح للخراب
والوطن مش بس حنة أرض
الوطن ياناس دا يبقى العرض
والحب ليه واجب علينا وفرض
أصل الوطن عامل كمثل الأم
في حضنها تاخذ الجميع وتضم